

<input checked="" type="checkbox"/> Utusan Malaysia
<input type="checkbox"/> Mingguan Malaysia
Tarikh: 29/12/2011
Hari: Khamis MS: 25
Ruangan: BISMES



## SME BANK, UMP JALIN KERJASAMA

SME Bank adalah sebuah Institut kewangan pembangunan (DFI) yang telah diberi mandat oleh Kerajaan untuk membimbing dan membangun usahawan Negara.

Semenjak Oktober 2005 sehingga November 2011, SME Bank telah meluluskan 7266 permohonan dengan nilai pinjaman sebanyak lebih RM 12 billion.

Angka yang besar ini membuktikan komitmen SME Bank dalam melaksanakan amanahnya untuk membimbing dan membangun usahawan sekaligus membantu Kerajaan mencapai hasrat Program Transformasi Ekonomi (ETP).

Salah satu kelompok yang berpotensi untuk dibimbing menjadi usahawan yang berjaya ialah

golongan mahasiswa. Dalam konteks ini, SME Bank telah mengorak langkah menjalin kerjasama dengan Pusat Keusahawanan Universiti Malaysia Pahang (UMP).

Pada 4 November 2011, SME Bank telah bersetuju menyumbang RM 50 ribu bagi membantu membiayai aktiviti-aktiviti Pusat Keusahawanan UMP. Penyampalan replika cek telah dibuat oleh, Datuk Mohd. Radzif Mohd. Yunus, Pengarah Urusan SME Bank kepada Profesor Datuk Dr. Daing Mohd. Nasir Ibrahim, Naib Canselor, UMP. Majlis yang berlangsung di Menara SME Bank itu telah disaksikan oleh Saifuddin Abdullah, Timbalan Menteri Pengajian Tinggi.

Ini adalah program yang ketiga

seumpamanya dilaksanakan oleh SME Bank. Sebelum ini, SME Bank sudah berkerjasama dengan Universiti Utara Malaysia (UUM) melalui penajaan Dewan Penginapan Pelajar (DPP) dan Universiti Kebangsaan Malaysia (UKM) melalui program penyelidikan bagi membangunkan aktiviti penyelidikan usahawan PKS. Terbaru, SME Bank akan menjalin usahasama dengan UITM dalam menyediakan tabung pembiayaan bagi usahawan siswazah yang dinamakan Program Tunas Mekar.

■ MOHD. Radzif Mohd. Yunus (kanan) menyampalkan replika cek sumbangan kepada Dr. Daing Mohd. Nasir Ibrahim di Kuala Lumpur, baru-baru ini. Turut memerhatikannya Saifuddin Abdullah (tengah).